

# LUAN QAFEZEZI

BIBLIOTEKA

8JH-1  
016

poemë

# I INTERNUARI

354-1  
Q16

LUAN QAFËZEZI

# I INTERNUARI

(POEMË)

SHËNIMTËKA I SHTËPËR  
BOTIMEVE

34919  
30332

N. SH. BOTIMEVE «NAIM FRASHËRI»

**Redaktor: Dalan Shapullo**

**Korektore letrare: Neka Turkeshi**

**Piktor: Pandi Mele**

**Redaktor teknik: Adem Lita**

---

Tirazhi 1500 kopje   Formati 70 X 100/32   Stash: 2204-55

---

Shtyp. N.I.Sh. Shtypshkronjave «MIHAL DURI», Tiranë, 1964

### Këng' e parë

I vogëlth ish qyteti bregdetar,  
Qytet a fshat nuk dije, jo, ç't'i thoje,  
Po qiell më t'bukur kot që të kërkoje  
            Mbi trollin amëtar!

E breg më t'artë syri s'të shikonte:  
Plot mandarina, qitro, portokaj,  
Ku dhe janari ndriste posi maji,  
            Kur lulja dhen' mbulonte!

Ja, ktu nj'agim Iliri djellin pa,  
E këtu Gjergji ziliqaren hënë,  
Këtu një dit' të shtrenjtën fjalëz: nënë!  
            Loreta belbt' e tha!

### Këng' e dytë

Me lodërza çdo ditë ju kalonte:  
Jasërthi, kut e cingël, apo çetën,  
Po neve ende s'dimë pér Loretën  
            Qysh Gjergji ëndërronte!

E ndofta as edhe Ilir Topinë  
Ndokush në jetë kurr s'do ta ket' parë,  
Po Gjergji dhe Iliri të pandarë  
            E shkuan vogjelinë.

E qysh në atë moshëz fëminie,  
Me ta Loret' e bukur gjithmon' qe,  
Ajo i dha fuqi çdo dit' të re  
E gas asaj miqsie!

Kështu tre vogëlushët në agime  
E prisin shoqi shoqin pa durim,  
Rreth botës fantazinë fluturim  
E nisnin në shtegtime!

Dorinjtë qen' shkopinjëz prej kallami,  
E lundrat o anijet: copka letër!  
Po djemve dhe në Jon tej bregut tjetër  
U vajti nami!

Kështu këta luftarë të hazdisur  
Vërshonin mbi asqerin mizëri,  
E flamuj ata ngrinin për liri  
Mbi malet e thepisur!

E detit, të sprovuar si detarë,  
Lundronin përmbi valë e mbi tallas!  
Sa her' buçiste bregu par e pas,  
Kur delnin fitimtarë!

E kur që nga betejat plot lavdi  
Këthenin përmbi kuajt e harbuar,  
Te shkëmbi vash' e tyr' e përmalluar  
U derdhej drejt në gji!

Aher' si lum' rrëfimet irridhnin vetë,  
Tregonin qysh mbi turqit nisën sulmin  
E gazi dalngadalë mbrinte kulmin  
Piratët kur i mbysnin krejt në det!

### Këng' e tretë.

Ju ende, miq të dashur, s'kini hyrë  
Në muret e kështjellit legjendar:  
Posht tija shtrihet deti dallgëfryrë,  
O hera her' i qetë si pasqyrë:  
Si qielli në behar!

Mbi male ky kështjell nuk është ngritur,  
Po pranëz, ku rreh bregun val' e zjarrtë,  
Veç gjë, asgjë nuk ka pér t'u çuditur,  
Në se as dhe tri pash' nga faq' e ndritur  
E detit s'ësht m'i lartë!

Po ç'hyn këtu në punë lartësia,  
Kur trojet s'ka tufan që ja lëkund?  
Kala të tillë kurrë dashuria  
Që kurse zuri fillin gjithësia  
Nuk ngriti asgjékund!

Si lule brënda sajë lulëzonte  
Loreta si perritë në rrëfim,  
Dy shokve dashurinë ua shtonte  
E gazi, që prej saja gjith mburonte,  
Nuk kishte perëndim!

Prej cmirit kundërshtarët të tërbuar  
Me çeta ju vërsulshin me furi,  
Po Gjergji që çdo luftë e kish fituar  
Me shpatë përmes ziarrit të pashuar  
I zembrapste përsëri!

Me të edhe Iliri i pandarë  
Po s'shquhej aqë shumë në luftim,  
Si Gjergjin bregu i detit s'kishte parë,  
Sa turq në pellgje gjaku kishte larë  
Pa shok' ai kryetrim!

E, ja, këtë virtyt kalorësie  
Loreta shum' e shum' ja kish zili,  
Kur kthehej me një ndjenj' mirnjohtësie  
A gazi, apo malli — dashurie  
I futej prap' në gji.

### Këng' e katërt.

Kështu filloi, pastaj ngadalë u rrit  
Në bangëzat e shkollës miqësia,  
Ashtu si rriten lulet në saksia  
Kur vasha i ujit!

Pa shkuan, vite shkuan pà u ndjerë,  
Me ta dhe vogjëlia e pafaj,  
Plot èndrra i rinisë i pari maj  
Shkëlqeu një pranverë!

Me flokxit pëndë korbi, syulli  
Loreta gjithëmonë zbulukurohej  
E shtat' i saj si kresht' që më lart çohej:  
Gjasonte si selvi!

Po Gjergji e Iliri si më parë  
Për të me mall të zjarrtë bisedonin,  
E prap' me zemrën flakë dëshëronin  
T'u mbetej e pandarë!

— Besomë, Ilir! Të t'hem ç'ësht' e vërteta:  
Atë as vetë s'di se sa e dua...  
Vecse pa të besoj se edhe jeta  
E zbet' do t'ish për mua!

— Si motr' e dua, Gjergj, dhe shpesh për të  
Një mall të zjarrtë ndjej në kraharuar,  
E, ja, kjo flak', që kurrë s'ka të shuar  
Më fort më djeg gjithnjë!

— Oh, ja, tek vjen! Jo shoqja kund s'iу gjet!  
Nga bukuria lule jargavani,  
E nga urtia: ndrit, si yll karvani  
Kur udhën çan ndër netë!

— E çelur, Gjergj, si qielli ynë i dlrë  
Krijes' më t'paqt' kjo tokë kurrë s'pa,  
E pafajninë kush zili s'ja ka  
Ng'ata q'ë njojin mirë.

Kështu dy shokët ëmbël bisedojnë,  
Ajo afron, po ende ata flasin,  
E përsëri me shoqet tek e mësin  
Më lart atë e çojnë!

### Këng' e pestë.

Po Gjergj Vasinë rritur si dre mali  
Ajo e donte aq sa shumë herë  
Me buz' në gaz, në ëndërr, shënd e verë  
E rrakte fort nga malli.

Po q'ishte, vall', ky mall që s'kishte emër  
Mos: miqësi a ndofta tjetër gjë?  
Po ky mister shigjetë ish pér të,  
Q'i ngulej thellë në zemër.

Veç dhe Ilirin t'afërt, të pandarë  
Ajo e kish ashtu posa dikur.  
Kur mbi shkëmbinj prej lecke një flamur  
Valvisnin tok më parë!

Po tash e Gjergjit pamja, burrëria,  
Aq shum' e shum' asaja i pëlqente  
Sa dhe në jetë: sjellja, urtësia,  
Kur gjegje kujt i kthente.

Jo, jo, tani të vegjël s'ishin më  
Njëri detar e trim posa zgalemi,  
Tjetri mësonjs' e i dijshëm, sa polemi  
Në goj' e kish gjithnjë.

E kto virtyte t'rralla njerëzie  
Me dashuri të dyve tek ua çmonte,  
Një ndjenj' pér Gjergjin zemrën ja pushtonte  
    Me forc magjie!

— Oh çfar' çudie — thosh, e pér hata  
Nga turpi duart vinte pérmbi sy —  
Jo, jo, kjo s'ngjet, un vllezër që të dy  
    I kam ata!

E prap' e prap' me mendje dot s'e kapte  
Se gjer ku shkonte vau i miqësisë,  
**E** ku pastaja kopsht' i dashurisë  
    Të artët shtigje hapte.

### Këng' e gjashtë

Ngjyrat ylberi derth mbi det e dhé  
E bregu artë mbarë kuqëlon,  
Në mes të valve djelli zë noton  
    Si nus' e re.

E breg' i gjërë mbushet më çdo krah,  
Erëra lulesh enden an e kënd,  
Të tilla mbrëmje rrall' në ndonjë vënd  
    Njeriu pa!

Të ulur pleqt' kundrojnë plot dëshirë  
Kët' perëndim të mrekullt ngjyrë gjak,  
N'sa rrez' e fundit majat tek pérflak,  
    Ju thotë: Lamtumirë!